



1. oktober. august 2012

EM 2012/156

NAQQIISSUT

Aalajangiussassatut siunnersuut 16. august 2012-imik ullulerneqartoq taarserpaa, siunnersuutip nutserneqarnerani oqaaseq “kapitali” atorneqartussaq pinnagu naqinneq “§” atorneqarsimammat, tamannalu aaqqiissuteqarneranik kinguneranik teknikkikkut iluarsineqarpoq.

Inatsisartut suleriaasianni § 33 naapertorlugu aalajangiiffigisassatut siunnersuut imaattoq saqqummiuppara:

2013-imi Inatsisartut aningaasanut inatsisissaanni ukiunilu missingersuusiorfiusuni inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi § 45 aamma § 46 naapertorlugu illuutitik iluarsartuussinernut, allilerinernut imaluunniit pitsanngorsaanneranut ukiumut 2,3 mio. kr-inik immikkoortitsinissamik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut, taamaalilluni BSU pillugu peqqussummi kapitali 4 naapertorlugu illuutillit 2013 aallarnerifigalugu illuutiminnik iluarsartuussinissamut pisortanit taperneqarsinnaanermik periarfissaqaqqilersinnaaqqullugit.

(Inatsisartunut ilaasortaq Anders Olsen, Siumut)

Tunngavilersuut:

BSU-mik illuuteqartut akornanni amerlasuut 100.000 kr-it tikillugit annertussusilinnik illuutigisaminnik iluarsartuussinissamut, allilerinissamut pitsanngorsaannissamulluunniit atugassanik periarfissap atuutilerseqqinneqarnissaa ugartorpaat. Aaqqissuussineq Inatsisartut aningaasanut inatsisissaata 2011-imut suliarineqarneranut atatillugu ileqqaarutigineqarluni atorunnaarsinneqarpoq. 2010-mi Inatsisartut aningaasanut inatsisissaanni aaqqissuussinermut konto pingaarneq 89.72.21 *Inissialiortiternermut tapiissuteqartarneq, iluarsaanissamut immikkullu aserfallatsaaliinissamut taarsigassarsititsineq* aqquutigalugu aningaasaliisoqarpoq. 2010-mi Inatsisartut aningaasanut inatsisissaanni siunertamut 2,3 mio. kr-it immikkoortinneqarpoq.

Peqqussummi aalajangersakkani ukiuni akileraarfiusuni kingullerni marlunni illoqutigiit isertitaat ukiumut akileraarusigassatut 180.000 kr-it ataallugit annertussuseqarnissaat imaluunniit siunissami qaninnermi illoqutigiit akileraarusigassatut isertitaat 180.000 kr-it ataaniinnissaata ilimagineqarnissaa tunngavigineqarpoq. Tamatuma saniatigut BSU-mik aaqqissuussinermi kapitali 4 naapertorlugu illuliami najugaarnissaq soorunami piumasaqaataavoq.

BSU-mik illuutillit illumik annertunerusumik iluarsartuunnissaanut taperneqarnissamut pisariaqartitsinerat ullumikkut siusinnerusumut sanilliullugu annertuneruvoq, nunamimi matumani suliffissaaleqinerup annertuumik qaffariarneratigut inuuniarnermut aningaasartuutit ajorseriaateqarsimapput.

Orsussap akia qaffakkaluttuinnarpoq, suliffinnik nutaanik pilersitsisoqanngilaq taamatullu nerisassat inuussutissat akii qaffakkiartuinnavillutik.

Inuiaqatigiinni taamatut inissisimasoqarnerani aningaaserivinni attartorsinnaanermut periarfissat ajornanninnerulersimasutut oqaatigineqarsinnaanngillat, BSU-mimmi illuutillit nalinginnaasumik pensionisialiusarlutillu sulisartuupput inuuniarnermi atornartorsioreersut.

Illup iluarsartuunneqarnissaanut pisariaqartitsineq kiisalu qanganitseriartomera peqatigalugu kiassarnermut orsussap atorneqartartup qaffakkiartortarnera tamatta ilisimavarput. Taamaammat innuttaasut namminneq isertitakitsuunertik pissutigalugu nalinginnaasumik aningaaseriviit aqutigalugit siunertamut attatormissamut periarfissaqanngitsunut iluarsartuussinissamut atatillugu tapiffigineqarsinnaanermut periarfissamik ujartuinerat paasinarpoq.

Nunami maani mingutsitsinerup appartinnissaanut siunertaqartunik suliniutinik aallartitsiortuleruttorpugut, ilaatigut orsussanut ikummatissanut akileraarut atulersinneqarpoq. Taamatut suliniuteqarnitsinnut atatillugu innuttaasut nammineerlutik pineqartumi qanoq iliorsinnaanerannut pitsaanagerusunik periarfissinnissaat eqqaamasariaqarparput, tamanna ilaatigut ilaqutariit illuminnik iluarsartuussinissamut periarfissinneratigut pisinnaavoq, taamaalillutik illunik oqorsarluarneqarnerusuni najugaqarsinnaaqullugit, taamaalillutillu kiassarnermut atatillugu orsussamik ikummatissamik annikinnerusumik atuisinnaaqullugit.

Neriuutigaara siunnersuut Inatsisartunit paasilluarneqarluni taperserneqarumaartoq.

Pisortanut aningaasatigut allaffissornikkullu kinguneqaatit:

Siunnersuut akuerineqassappat siusinnerusumi pisarneq assigalugu aningaasanut inatsisikkut aningaasaliissuteqartoqartariaqassaaq. Soorlu siusinnerusukkut oqaatigineqartoq, 2010-mi siunertamut 2,3 mio. kr.-nit immikkoortinneqarput. Aningaasat taakku siunissami aamma naapertuussorinarput. Taakku saniatigut aningaasaliissutit aqunneqarnerannut atatillugu siunnersortinut avataaneersunut aningaasartuuteqartoqaratarsinnaavoq.

Namminersorlutik inuussutissarsiortunut aningaasatigut allaffissornikkullu kinguneqaatit:

Siunnersut piviusunnngortinneqassappat sanasut sinerissami amerlanerusunik suliassaqaalernissaat ilimagineqarpoq, taamaammallu suliniut suliffissaqartitsinermut pitsaasumik kinguneqassaaq.

Innuttanut kinguneqaatit:

Innuttasut nalinginnaasumik aningaaserivimmi attartorsinnaanermut isertitakippallaarnertik pissutigalugu attartorsinnaanngitsut, BSU aqutigalugu illuutiminnik iluarsartuusillutillu nutarterisinnaanissamut periarfissaqaalernissaat siunnersuutip kingunerissavaa. Tamanna ungasinnerusumut isigaluni illunik pitsaanagerusunik peqalernermik kinguneqarlunilu innuttaasut peqqissusaannut siuarsaataassaaq.

Inuuniarnermik atukkanut atatillugu inuiaqatigiinni illuuteqartut ilaasa BSU aqutigalugu illuutillit kisimik illuutiminnik taamatut iluarsartuussinissaanerminnut taperneqarnissamut periarfissinnissaat naapertuunnersoq eqqarsaatersuutigineqarsinnaavoq. Taamaalilluni assersuutigalugu 10/40/50-imik illuutillit inigisaminnik nutarterillutilluunniit iluarsartuussissagunik nalinginnasumik niuernermi pissutsit atorlugit aningaaserivimmi attatormissamut innersuunneqarput.